

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
JU SLUŽBA ZA ZAPOŠLJAVANJE  
TUZLANSKOG KANTONA  
TUZLA**

Broj: 01-11-4-370-5/24  
Tuzla, 27.05.2024. godine

Na osnovu člana 70. stav (1), (2), (3) i (6) Zakona o javnim nabavkama ("Službeni glasnik BiH", broj: 39/14 i 59/22 ), člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine i preporuke Komisije za javne nabavke date u Zapisniku o pregledu i ocjeni ponuda broj: 01-11-4-370-4/24 od 13.05.2024. godine (završen 23.05.2024. godine), direktor donosi:

**ODLUKU**

o izboru najpovoljnijeg ponuđača

**Član 1.**

Za najpovoljniju ponudu za nabavku računara i računarske opreme, bira se ponuda ponuđača **Teneo doo Sarajevo**, sa cijenom u iznosu od **100.090,00 KM bez PDV-a**.

**Član 2.**

Po pravosnažnosti ove Odluke i protekom Zakonom predviđenog roka, Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**Član 3.**

Ova Odluka objavit će se na web stranici JU Služba za zapošljavanje Tuzlanskog kantona – [www.szztk.ba](http://www.szztk.ba), istovremeno s upućivanjem ponuđačima koji su učestvovali u postupku javne nabavke.

**O b r a z l o ž e n j e**

Na osnovu Odluke o pokretanju postupka broj: 01-11-4-370/24 od 17.04.2024. godine i Obavještenja o nabavci objavljenog na portalu javnih nabavki "E-nabavke" broj: 647-1-1-49-3-18/24 od 19.04.2024. godine, putem otvorenog postupka javne nabavke, pokrenut je postupak nabavke računara i računarske opreme. Sažetak obavještenja je objavljen u Službenom glasniku BiH.

Kriterij za dodjelu Ugovora je „najniža cijena“ ponude, u skladu sa članom 64. stav (1) tačka b) Zakona o javnim nabavkama.

Za predmetnu nabavku predviđena je e-aukcija.

Rok za dostavljanje ponuda bio je 10.05.2024. godine do 11:00 sati.

Javno otvaranje ponuda je održano 10.05.2024. godine u 11:30 sati, u prostorijama JU Službe za zapošljavanje Tuzlanskog kantona Tuzla.

Na osnovu Zapisnika sa otvaranja ponuda broj: 01-11-4-370-3/24 od 10.05.2024. godine, utvrđeno je da je u predmetnom postupku nabavke stiglo pet ponuda i to sljedećih ponuđača:

1. Emado doo Sarajevo
2. Teneo doo Sarajevo
3. Bosnien Business Systems- BBS doo Sarajevo
4. System one doo Sarajevo i
5. Digitalija doo Sarajevo.

Nakon što je izvršeno otvaranje ponuda, Komisija je pristupila pregledu i analizi istih, dana 13.05.2024. godine, kada je utvrdila da sljedeće ponude ispunjavaju sve uslove i da su prihvatljive:

1. Emado doo Sarajevo
2. Teneo doo Sarajevo
3. Bosnien Business Systems- BBS doo Sarajevo i
4. Digitalija doo Sarajevo.

U ponudi ponuđača Emado doo Sarajevo, utvrđena je računska greška, nakon čega je poslat Zahtjev za prihvatanje ispravke računске greške, na koji je navedeni ponuđač dao saglasnost.

Analizom ponude ponuđača System one doo Sarajevo, Komisija je utvrdila da ova ponuda nije prihvatljiva, obzirom da dostavljeni dokazi nisu u skladu sa tenderskom dokumentacijom.

Naime, **tačkom 4.4.2. pod c) tenderske dokumentacije traženo je sljedeće:**

„Za stavke pod r/b 1,2,3 i 4 predmeta nabavke, ponuđač je dužan dostaviti Izjavu u kojoj će navesti da u slučaju potrebe za rezervnim dijelovima (tokom trajanja perioda garancije), iste može obezbjediti sa odgovarajućeg skladišta (lagera) najkasnije u roku od 7 dana od dana prijema pismene obavjesti o potrebi za rezervnim dijelovima.

U navedenoj izjavi potrebno je da ponuđač garantuje da za ovu robu ima obezbjeđen servis u Bosni i Hercegovini. Izjava se dostavlja kao original.“

Ponuđač System one doo Sarajevo u izjavi br. 82/24 od 09.05.2024. godine, koju je dostavio u svojoj ponudi, nije naveo tražene podatke.

**Izjava ponuđača glasi:**

„Izjavljujemo pod punom krivičnom i materijalnom odgovornošću da su za stavke pod rednim brojem 1,2,3, i 4 navedene u obrascu za cijenu ponude obezbjeđeni rezervni dijelovi.“

Naprijed navedeno potvrđuje da ponuđač nije naveo u svojoj izjavi da garantuje da za robu ima obezbjeđen servis u Bosni i Hercegovini.

Također, ponuđač nije izjavio da rezervne dijelove može obezbjediti sa odgovarajućeg skladišta (lagera). Obzirom na naprijed navedeno, a u skladu sa tenderskom dokumentacijom, gdje je propisano da je naprijed tražena izjava jedan od uslova za kvalifikaciju ponuđača, Komisija je ovu ponudu ocijenila neprihvatljivom za Ugovorni organ.

Nakon završenog pregleda ponuda, zakazana je predviđena e-aukcija za 17.05.2024. godine.

Po okončanju e-aukcije, dana 23.05.2024. godine, Komisija je nastavila sa radom, kada je na osnovu Izvještaja o toku i završetku e-aukcije, konstatovala da su ponude nakon e-aukcije rangirane kako slijedi:

1. **Teneo doo Sarajevo, sa cijenom u iznosu od 100.090,00 KM bez PDV-a,**
2. Emado doo Sarajevo, a cijenom u iznosu od 100.100,00 KM bez PDV-a,
3. Digitalija doo Sarajevo, sa cijenom od 102.533,00 KM bez PDV-a i
4. Bosnien Business Systems- BBS doo Sarajevo, sa cijenom od 102.564,00 KM bez PDV-.

Komisija za javne nabavke je nakon okončane e-aukcije, završila Zapisnik o pregledu i ocjeni ponuda, broj: 01-11-4-370-4/24 od 13.05.2024. godine (završen 23.05.2024. godine),



u kojem je dala prijedlog direktoru da, donese Odluku o izboru najpovoljnijeg ponuđača i Ugovor u postupku nabavke računara i računarske opreme, na osnovu kriterijuma „najniža cijena“, dodijeli ponuđaču **Teneo doo Sarajevo** u ukupnom iznosu od **100.090,00 KM** bez PDV-a.

Navedeni Zapisnik je, sa Izvještajem o radu Komisije za javne nabavke, dostavljen direktoru na razmatranje.

Prilikom donošenja ove Odluke direktor nije našao razloge koji bi bili osnov za neprihvatanje preporuke Komisije za javne nabavke. Ocijenjeno je da je Komisija za javne nabavke u svemu postupila u skladu sa Zakonom o javnim nabavkama i podzakonskim aktima koji regulišu ovu oblast.

Shodno odredbama Zakona o javnim nabavkama, podzakonskim aktima i općim aktima Službe, kriterijumom za vrednovanje ponuda "najniža cijena ponude", donosi se Odluka o izboru najpovoljnijeg ponuđača, kojom se Ugovor o nabavci računara i računarske opreme, dodjeljuje ponuđaču **Teneo doo Sarajevo, u iznosu od 100.090,00 KM bez PDV-a.**

Iz navedenih razloga, primjenom člana 64. stav (1) tačka b), a u vezi sa članom 70. stav (1), (2), (3) i (6), odlučeno je kao u članu 1. ove Odluke.

#### **POUKA O PRAVNOM LIJEKU:**

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 10 (deset) dana od dana prijema ove Odluke, u skladu sa članom 101. stav (1) tačka d) Zakona o javnim nabavkama ("Službeni glasnik BiH", broj: 39/14 i 59/22).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

#### **DOSTAVLJENO:**

1. Ponuđačima 5x
2. Sektor za finansije i računovodstvo
3. Odjeljenje za pravne i opće poslove
4. a/a

Pripremila:

mr.iur.Ahmetović Berisa, bachelor prava  
Stručni savjetnik za javne nabavke i pravne poslove

